

5. gr.

Almennar forsendur líkansins skulu taka til eftirfarandi:

Kennslustundafjöldi pr. nemenda á viku; almennrar bekkja- og hópstærða; almennrar nýtingarkröfu eða meðalfjöldi nemenda í bekk eða hópum; launatengdra gjalda; hlutfalls- tengingar kennslutengdra starfa við kennslukostnað; hlutfallslegrar skiptingar útreiknaðs kennslustundafjöldi milli dagvinnu og eftirvinnu.

6. gr.

Sérstakar forsendur hvers skóla skulu vera:

Skráðir nemendur næstliðins almanaksárs eftir önnum (höfðatala); áætlaður nemenda- fjöldi næsta fjárlagaárs, meðaltal beggja anna; nemendur kvöldskóla (öldungadeilda), meðaltal beggja anna næsta fjárlagaárs, hlutfall kennslustunda nemenda í fornámi eða hægferðum af heildarnemendastundum skólans; fermetrar húsnæðis skólans eftir bóknáms- og stjórnunarhluta, verknámshluta, heimavist og mótuneyti; leigugjöld vegna kennsluhús- næðis, verð á rúmmetra heits vatns, verð á kílówattstund raforku; fjarlægð frá Reykjavík, meðalárslaun kennara; árslaun og yfirvinnu skólameistara/rektors.

7. gr.

Um skil skóla á upplýsingum um kennslu, skráða nemendur og prófaða eftir áföngum/bekkjum, fjöldi hópa/bekkjanna og annað er viðkemur árangri skólastarfsins skal nánar kveðið á í skólasamningi.

8. gr.

Reiknilíkanið skal endurskoða í heild eigi sjaldnar en á fjögurra ára fresti. Þess á milli má fella niður einstakar almennar og sértækar forsendur eða auka við eftir umfjöllun á samstarfsnefndarfundum framhaldsskólustigsins. Einstökum tölulegum viðmiðum líkansins getur ráðherra breytt í fjárlagaundirbúningi hverju sinni.

9. gr.

Reglugerð þessi er sett með stoð í 39. gr. laga nr. 80/1996 um framhaldsskóla og öðlast þegar gildi.

Menntamálaráðuneytinu, 7. maí 1999.

Björn Bjarnason.

Þórunn J. Hafstein.

AUGLÝSING

um deiliskipulag fyrir sumarbústaðabyggð og skógrækt á jörðinni Laugabökkum, Ölfusi.

Samkvæmt skipulags- og byggingarlögum hefur hreppsnefnd Ölfushrepps þann 25. febrúar 1999 samþykkt deiliskipulag fyrir sumarbústaðabyggð og skógrækt á jörðinni Laugabökkum, Ölfusi. Teikningar eru frá febrúar 1999.

Fram kemur að svæðið er skipulagt fyrir 13 sumarbústaðalóðir og þrjár lóðir fyrir gistihús er tilheyrir eiganda Laugabakka. Gert er ráð fyrir útivistarsvæði og skógrækt norðan og sunnan við sumarhúsabyggðina. Skipulagða svæðið liggur að norður landamörkum

Laugabakka. Allt skipulagða svæðið er 109.911 m², þar af eru sumarbústaðalóðir 65.000 m², gistibústaðalóðir 5.250 m², skógræktar- og útivistarsvæði 32.591 m², vegir og önnur aðstaða um 7.070 m².

Skipulagið öðlast þegar gildi.

Þorlákshöfn, 12. maí 1999.

Byggingar- og skipulagsfulltrúi Ölfushrepps,
Sigurður Jónsson.

AUGLÝSING

um deiliskipulag tjaldsvæðis og húsdýragarðs á Ölvaldsstöðum 1, Borgarbyggð.

Bæjarstjórn Borgarbyggðar hefur samþykkt ofangreint skipulag.

Deiliskipulagið hefur fengið meðferð samkvæmt ákvæðum 18. gr. og 25. gr. skipulags- og byggingarlaga nr. 73/1997 með síðari breytingum. Deiliskipulagið hefur verið yfirfarið af Skipulagsstofnun skv. lögum nr. 73/1997.

Ofangreint skipulag öðlast þegar gildi.

Borgarnesi, 17. maí 1999.

Bæjarverkfræðingur Borgarbyggðar,
Sigurður P. Harðarson.

AUGLÝSING

um breytt deiliskipulag miðhluta Húsavíkurhafnar.

Á fundi bæjarstjórnar Húsavíkur þann 27. apríl 1999 var samþykkt breyting á deiliskipulagi fyrir miðhluta Húsavíkurhafnar. Breytingin felur í sér smávægilega breytingu á lóðarmörkum tveggja lóða, stækkun byggingarreita, auk breytinga á bílastæðum og vegi milli lóðanna tveggja.

Breytingartillagan fór í grenndarkynningu skv. 26. gr. skipulags- og byggingarlaga nr. 73/1997 og var samþykkt óbreytt. Athugasemdir sem gerðar voru við tillöguna verða sýndar á skrifstofu byggingarfulltrúa Þingeyinga, Garðarsbraut 18, Húsavík.

Deiliskipulagið tekur þegar gildi.

Húsavík, 14. maí 1999.

Byggingarfulltrúi Þingeyinga,
Gaukur Hjartarson.